

Deo varia attributa nisi per rationem, & reduplicatur conceptus explicitus, quo virtualiter distinguitur in re a bonitate, ita ut ibi exercetur ipsa distinctio virtualis: nihil horum accidit, dum dicitur *sapientia divina, bonitas divina*. Unde falsum est suppositum hujus propositionis, *attributum sapientie divine est formaliter absolute in re attributum bonitatis divine*: non secus si dicerem: *hirco cervus est formaliter absolute in re chimera*. Sicut enim non datur absolute in re hirco cervus, quod supponit hac propositio; ita nec datur in Deo absolute in re attributa, hoc est, proprietates consequentes essentialiter, quod supponit tamen prior propositio: attributa enim dumtaxat fiunt & dicuntur per rationem concipientem quaedam in Deo perfectiones per analogiam ex creaturis, tanquam proprietates consequentes essentialiter, quod in re tamen non est, cum nihil in Deo sit prius aut posterius, sed una simplicissima entitas.

Replicabis: Si sapientia in re formaliter sit bonitas, misericordia sit justitia, voluntas sit intellectus, &c. Ergo saltem erit verum dicere, quod absolute formaliter in re misericordia puniat, justitia parcat, quod intellectus velit, voluntas intelligat; atqui haec falsa sunt & absurda: ergo, &c.

R. 1. N. Maj. Quia, cum predicatur operatio propria alicujus attributi, tunc importatur explicitè per modum significati ratio, propter quam unum attributum virtualiter distinguitur ab altero; ita ut ibi exercetur distinctio virtualis, ideoque operatio unius attributi non possit de altero formaliter praedicari.

R. 2. N. Min. Si *Ly formaliter* in minori sumatur absolute pro essentia seu quidditate, ut est a parte rei; quia hoc sensu verum est, quod eadem entitas simplicissima, quae essentialiter in re est misericordia, puniat; quod eadem entitas, quae essentialiter in re est voluntas, intelligat; licet tamen non puniat reduplicatè sub ratione misericordiae, id est proit aequivaleret virtuti miserendi in creatis; nec intelligat proit aequivaleret virtuti volendi creaturam.

Ex quo sequitur, & quod non intercedat distinctio formalis Scoti, cum sit simplicissima entitas, quae haec omnia praestat; & quod admittenda sit distinctio nostra virtualis, cum haec omnia praestet proit aequivaleret pluribus realiter distinctis in creaturis.

Contra 2. conclusionem posset objici, definitum esse in Conc. Rhemensi, ne ratio in Theologia distinguat inter essentialiter & personam. Sed hoc praecipue supra §. 2. n. 3. requiritur ibi.

Objicies insuper contra eandem: Non possunt formari distincti conceptus formales de Deo, nisi ex parte Dei respondent distincti conceptus objectivi: atqui ex 1. conclusionem non sunt in Deo distincti conceptus objectivi: Ergo.

R. N. Maj. Ad formandos enim distinctos conceptus for-

males inadquatos de Deo sufficit infinita ejus perfectio, quae cum aequivaleat pluribus realiter distinctis, praebet intellectui meo fundamentum eam concipiendi inadquatur sub una ratione, & non sub illa.

Objicies iterum contra eandem. Deo repugnat compositio rationis: ergo & distinctio rationis. Patet consequentia; quia Deus non est minus unus quam simplex; & distinctio opponitur unitati, sicut compositio simplicitati.

R. N. Conseq. quia ad compositionem etiam rationis requiritur duplex pars sese excludens, quarum una se habeat in potentia ad alteram, vel utraque ad totum: compositio enim strictè sumpta est unio partium; de ratione autem partis est quod compartem excludat. Unde fundamentum compositionis rationis deberet esse distinctio virtualis major, sen per modum excludentis & exclusi, quae, ut probavimus, repugnat Deo. At verò fundamentum distinctionis rationis non repugnat Deo; est enim, ut diximus, eminentia illius entitatis ex una parte, & ex altera imperfectio & limitatio nostri intellectus.

APPENDIX.

Petes 1. An omnia attributa in Deo sint aequalia.

R. 1. Si sermo sit de attributis, prout sunt a parte rei, esse aequalia, non aequalitate positiva, quae peteret realem distinctionem; sed aequalitate negativa, quae consistit in negatione excessus; sunt enim in re unum & idem.

R. 2. Si sermo sit de illis, prout a nobis concipiuntur, sub distinctione: vel considerantur sub ratione entis increati & infiniti, quam transcendentaliter includunt; & sic sunt aequalia, quia haec ratio utpote indivisibilis & unica omnibus aequaliter inhiabit. Vel considerantur sub ratione explicita, & per analogiam ad similes perfectiones in creatis; & sic sunt inaequalia secundum quid, quia intellectus v. gr. explicat majores perfectiones quam voluntas, & sic de ceteris.

Petes 2. An Deus & Beati faciant etiam distinctionem rationis inter essentialiter & attributa?

R. Probabilis negativè: quia fundamenta distinctionis rationis sunt partim eminentia rei, partim imperfectio intellectus diversis conceptibus inadquatis rem attingentis; Deus autem unico intuitu suam licet eminentissimam essentialiter attingit: item & Beati saltem visione beatifica, quia Deum cognoscunt unica & simplicissima specie, nimirum divina essentia gerente vices speciei tam impressae, quam expressae, ut dicemus infra.

Dixi: saltem visione beatifica; quia non videtur repugnare, quod Beati per cognitionem aliam, quam habent extra verbum, possint formare diversos conceptus de essentia Dei, & sic formare distinctionem rationis.

DISSERTATIO III.

DE ATTRIBUTIS IN PARTICULARI, QUAE PERTINENT AD DIVINUM ESSE.

D. Th. a Q. 3. ad 11.

Atributorum, quae in Deo concipiuntur, quaedam aut jam notavi, spectant ad ejus esse seu substantiam, quaedam ad operationem; & cum secundum nos prius sit esse quam operari, hinc cum D. Thom. prius agimus de his, quae spectant ad esse divinum; deinde de his, quae spectant ad ejus operationem, ut de scientia, providentia, &c. Et cum perfectus cognoscamus Deum per negationem, removendo scilicet ab ipso imperfectiones creaturarum, quas penetrare possumus, quam per affirmationem, afirmando de ipso divinas perfectiones, quas satis capere non valeamus; hinc iterum cum S. Doctore a negativis incipimus, & 1. de Simplicitate Dei, seu non compositione, agimus. Unde sit

ARTICULUS I.

De Simplicitate Dei. D. Thom. Quest. 3.

Nota, duplicem esse simplicitatem: una est, quae provenit ex potentialitate & defectu: altera est, quae procedit ex forma & actu. Prima paupertatem & imperfectionem secum affert, & convenit materiae primae, quae est propè nihil. Secunda summam denotat perfectionem & actualitatem; & de ea est questio.

Quaeritur 1. Utrum Deus sit corpus;

Idololatrias corpus Deo tribuisse, certum est; siquidem aut idola sua, aut solem, aut lunam, aut coelum, aut plantas, aut bruta, aut homines, Jovem, Saturnum, &c. pro diis haberent. Qui error inde fluxit, inquit Aug. lib. de utilit. credendi, quod *hi, nimis in haec corporalia progressi, atque lapsi, nihil aliud putant esse (Deum) quam quod istis quinque corporis nunciis sentiunt*. Idem error tribuitur Sadduceis inter Judaeos.

Inter Christianos verò, quosdam Aegypti Monachos ex Audaeorum secta sustinuisse Deum esse corpus, referunt Socrates l. 6. hist. c. 7. Et Sozomenus l. 8. c. 11. An ipse Audaeus Sectae Auctor in hunc errorem impegerit? Quidam affirmant, alii negant, ea possimul ratione, quod S. Epiphanius ipsi coevis heresi 70. ubi de Audaeis agit, laudat Audaeum tanquam virtum sanctitate conspicuum, in eoque dumtaxat duo reprehendit: Primum, quod Pascha cum Judaeis celebraret luna 14. Secundum, quod ex imperitia & cum nimia pertinacia contenderet hominem secundum corpus est factum ad imaginem Dei. Quem errorem refellens ibidem S. Epiphanius, ostendit ex eo sequi, quod Deus sit corporeus: hujus tamen erroris non insinuat Audaeum, imò ipsum S. Epiphani argumentum satis inuit Audaeum non expresse docuisse Deum esse corpus: alioquin frustra hoc grave inconveniens ex ejus doctrina arguendo deduxisset; sed probabile est, id-

fuisse causam erroris posterioribus Audaei discipulis, qui disertè affirmabant Deum esse corpus; unde dicit sunt Antropomorphitae. An verò Tertullianus ipse, Deum esse corporeum, censuerit, gravius est inter eruditos concertatio, de qua in digressionem speciali ad calcem hujus articuli.

R. Igitur ad questionem negativè. Est de fide. (Quest. 3. art. 1. de 5. c.)

Prob. 1. ex Scripturis Joann. 4. dicitur: *Spiritus est Deus*. 2. ad Cor. 3. *Dominus autem spiritus est* 1. ad Tim. 1. Deus dicitur invisibilis. 3. Reg. 8. immensus. Malachie 3. immutabilis. Quae omnia nullatenus convenire possunt corpori, sed soli spiritui. Unde in Concil. Lateran. IV. cap. *Firmiter*, dicitur: *Una est Dei essentia, substantia sui natura simplex omnino*. Omittit Patres, quorum doctrina est aperta pro hoc dogmate Catholico.

Prob. ratione triplici. 1. Deus est primum movens immobile, ut patet ex supra dictis; atqui omne corpus moveri potest, vel motu locali transeundo ab uno loco ad alium, vel motu alterationis recipiendo de novo aliquid accedens: ergo. 2. Deus est primum ens, ut ex antè dictis constat; atqui corpus non potest esse primum ens: ergo. Prob. Min. Primum ens est actus; licet enim in uno & eodem, quod exit de potentia in actum, potentia sit prius tempore quam actus, actus tamen simpliciter est prior potentia; quia quod est in potentia non reducitur ad actum nisi per ens actu: atqui omne corpus est in potentia, quia continuum in quantum hujusmodi est divisibile in partes in infinitum: ergo. 3. Deus est id quod est nobilissimum in entibus; ut jam saepe dictum est; atqui impossibile est, aliquid corpus esse nobilissimum in entibus: ergo. Prob. Min. Corpus aut est vivum, aut non vivum; si non vivum, manifestum est quod vivum sit eo nobilius, saltem substantialiter; si vivum, non vivit in quantum corpus, alias omne corpus viveret, sed vivit per aliquid aliud, sicut corpus nostrum vivit per animam: atqui illud per quod vivit corpus est nobilius, quam corpus: Ergo. (Ibid. c.)

Dices: In Scripturis tribuntur Deo ea, quae non nisi corpori conveniunt. 1. Tribuitur Deo trina extensio: dicitur enim Job. 11. *Excelsior caelo est, quid facies Profundior inferno, & unde cognosces? Longior terra mensura ejus & latior mari*. 2. Tribuitur Deo membra, Job. 51. *brachium*. Ps. 33. *oculi*. 3. Tribuitur situs, Isai. 6. *Vidi Dominum sedentem*. Et ibid. 3. *Sed ad judicandum Dominus*. 4. Tribuitur affectiones animi conjuncti corpori, ut penitere & irasci. Gen. 6. *Penitit me fecisse hominem*. Item, *tactus dolore cordis intrinsecus, delebo*, inquit, *hominem quem creavi*. Ps. 6. *Domine, ne in furore tuo arguas me, neque in ira tua corripas me*: ergo.

R. Haec & similia intelligenda esse, non in sensu proprio ac litterali; sed improprio & metapharico; solet enim Scriptura tradere nobis spiritualia & divina sub similitudine corporalium, ut sese modo nostro cogitandi & loquendi aperit. Igitur 1. cum trinam dimensionem Deo attribuit sub similitudine quantitatis corporeae, quantitatem virtualem ipsis designat, utpote per profunditatem, virtutem ad cognoscenda occulta; per altitudinem, excellentiam virtutis super omnia; per longitudinem, durationem sui esse; per latitudinem, affectum dilectionis ad omnia. 2. Per brachium intelligitur ejus potentia operativa ad extra; per oculum ejus scientia & providentia. 3. Per sessionem, ejus immobilitas & auctoritas; per stationem, ejus fortitudo ad debellandum omne, quod adversatur. 4. Per poenitentiam & iram intelligitur non affectus animi, sed affectus, quem inter homines solent producere poenitentia & ira, scilicet retractatio operis patri, & offensae vindicta. (Ibid. ad 1. 3. & 4. art. 2. ad 2.)

Quaeritur 2. Utrum in Deo sit compositio materiae & formae?

Nota: licet secundum rei veritatem omne & solum corpus sit compositum ex materia & forma; quia tamen id ab omnibus conceditur, ideo quaerit hic S. Doctor: an Deus, quamvis non sit corpus, sit nihilominus compositus ex materia & forma.

R. Negativè, (Ibid. art. 2. c.)

Prob. triplici ratione. 1. Quia Deus est actus purus: atqui in actu puro nulla est materia, quae essentialiter involvit potentialitatem: ergo. 2. Deus est bonus & perfectus per suam essentialitatem, non per participationem; atqui quod componitur ex materia & forma, est bonum per formam, adeoque per participationem: ergo. 3. Deus est primum agens simpliciter; atqui quod est primum agens simpliciter, debet esse primum & per se forma: ergo Deus est primum per se forma, non compositus ex materia & forma. Prob. Min. Unumquodque agit per suam formam: ergo, quod est primum agens simpliciter, debet, &c.

Quaeritur 3. Utrum sit idem Deus, quod sua essentia vel natura: id est, utrum sit idem Deus, quod sua essentia vel natura & supposito?

Antè responsum. Nota 1. Quòd S. Doctor per hoc nomen Deus, quod importat suppositum, intelligat id, quod habet veram deitatem, sive sit individuum deitatis, ut individuum & praetellectum tribus personis, sive sit persona incommunicabilis, Pater, vel Filius, vel Spiritus sanctus.

Nota 2. Suppositum duo naturae seu essentiae superaddere: non enim solum complectitur id, quod per definitionem importatur, utpote principia speciei. Sed naturae superaddit 1. principia individuantia, ut sunt in humanitate; v. g. haec carnes, haec ossa, haec quantitas, haec accidentia materiam signantia; licet enim haec non includantur in humanitate, includuntur tamen in hoc supposito, quod est homo. 2. Superaddit subsistentiam seu existentiam per se, quae est terminus & complementum naturae ex ea resultans. Juxta hanc acceptionem proprie est suppositum; juxta primam minus proprie. Quaestio D. Thom. videtur procedere de supposito improprie & primo modo sumpto, non de secundo modo, & proprie sumpto, ut indicat ejus probatio. His notatis

R. Ad questionem affirmativè.

Prob. 1. Ex illo Joan. 14. *Ego sum via, veritas & vita*; atqui vita in Deo est ipsa ejus deitas, seu natura: ergo idem est Deus, quod sua natura. Et ita videtur definitum in Conc. Rhemensi contra Gilbertum Porretanum, qui volebat abstracta posse praedicari de Deo in concreto, ut vidimus dissertatione superiori: & quem hoc validissimo argumento urgebat S. Bernardus: Si deitas non est Deus, vel est nihil, vel aliquid quod non est Deus. Nihil dici non potest, cum sit natura divina quia Deus est Deus. Neque est aliquid quod non est Deus, quia vel esset minus aut majus Deo, vel ipsi aequale; non minus, tum quia est id quo Deus est; id autem, quo Deus est Deus, est infinitum, nec potest esse minus eo quod constituit. Non majus, quia id, & non Deus, foret summum bonum. Non aequale, quia tunc esset duo summa boca, quod est impossibile: Ergo. (Ibid. in a. s. c.)

Prob. insuper. In incorporeis natura non distinguitur a supposito; atqui Deus est incorporeus, ut probatum est: ergo. Prob. Maj. Ideo in rebus corporeis natura distinguitur a supposito, quia natura dicit tantum ea, quae ingrediuntur definitionem speciei, seu id quo tale est tale, v. g. natura hominis id, quo homo est homo; suppositum autem ultra hoc includit naturam individuatam, & varia accidentia quibus individuantur: individuantur enim naturae corporeae per materiam signatam certis accidentibus, ergo in eis, quae se ipsis individuantur: & non per materiam, ut sunt incorporea, nihil aliud includit suppositum, quod non includat naturam, adeoque sunt unum & idem. Vides, ut dixi prius, hanc rationem procedere de supposito, sumpto improprie pro individuo: ipse enim S. Doctor alibi plures docet, subsistentiam distingui in Angelis ab essentia; nec tamen inde sequitur, D. Thomam diminute loquutum fuisse siquidem infra art. 7. omnem omnino compositionem a Deo removeat.

Ceterum nec in Deo esse compositionem ex natura & subsistentia, hac generali ratione probatur, quòd sit actus purissimus, ens summè perfectum, identificans essentialiter omnem perfectionem, adeoque & subsistentiam; ex qua proinde & natura non componitur.

Quaeritur 4. Utrum in Deo sit idem essentia & esse?

Id est, utrum Deus sit ita simplex, ut careat compositione substantiali ex essentia & existentia; sumit enim hic S. Th. esse pro existentia.

R. Affirmativè.

1. Prob. triplici ratione. Si existentia non esset de essentia Dei, vel causaretur ab illa tanquam proprietas, vel ab aliquo principio extrinseco. Non primum; quia, quod non est, non potest sibi dare existentiam: in hoc casu autem supponitur Deum non existere. Non etiam secundum; alias Deus non esset prima causa efficiens. 2. Quia alias essentia esset in potentia ad existentiam, tanquam ad suum actum: atqui hoc repugnat actui purissimo, qualis est Deus: ergo. 3. Illud, quod habet esse, & non est esse, est ens per participationem, sicut quod habet ignem & non est ignis, est igitur per participationem; atqui Deus non est ens per participationem, sed a se & per essentiam: ergo. (Ibid. art. 4. c.)

Quaeritur 5. Utrum Deus sit in aliquo genere, seu praedicamento?

R. Negativè.

Prob. Quod ponitur in aliquo genere vel praedicamento, ponitur directè seu proprie ut species, vel reductivè ut principia & privationes; sic v. g. punctum reducitur ad praedicamentum quantitatis: atqui neutro modo Deus potest poni in praedicamento; non directè ut species, quia omnis species constat genere & differentia: in Deo autem non potest concipi genus & differentia, cum genus importet potentialitatem. Non etiam reductivè, quia id, quod ponitur reductivè in aliquo praedicamento

